

道德真經衍義手鈔卷之五

五卷清安逸士王守正集

太上章第十七

太上之有之其次親之舉之

衍義云左傳曰太上有立德其次有立功

之類

鈔春秋襄公二十四年穆叔如晉范宣子

逆之間焉曰古人有言曰死而不朽何謂

也穆叔未對宣子曰昔句之祖自虞以上

為陶唐氏在夏為御龍氏昭二十九年

在商為豕韋氏豕韋國名東南有豕城在周為

唐杜氏成王滅唐遷之於杜為杜伯杜伯

之子復為范氏杜今京兆杜縣晉主夏

盟為范氏其是之謂乎穆叔曰以豹所聞

此之謂世祿非不朽也魯有先大夫曰臧

文仲既沒其言立其是之謂乎豹聞之太

上有立德其次有立功其次有立言史佚

雖久不廢此之謂不朽若夫保姓受

氏以守宗祔世不絕祀無國無之祿之大

者不可謂不朽

衍義云上如標枝下如野鹿

鈔莊子天地篇門無鬼答赤張滿稽云至

德之世不尚賢不使能上如標枝下如野

鹿鹿上就無為下亦此補譬

衍義云莊子曰及至聖人覺覺為仁跼跼

為義而天下始疑矣

鈔莊子馬蹄篇云及至聖人覺覺用力氣

為仁義之貌跼非之貌覺覺跼跼皆用心

衍義云堯仁如天就之者如日舜有殫行

百姓悅之故三徙成都至鄧之墟來者十

有萬家

鈔莊子徐無鬼篇之文疏身避升朱又

夫形從避之百姓慕德從者十萬所

居之衆自成都邑至鄧墟地名也

衍義云康衢之童誦詠堯

鈔列子仲尼篇云堯乃微服游於康衢聞

兒童謠曰立我蒸民莫匪爾極不識不知

順帝之則蒸民也夫能使萬物咸得其性

衍義云百姓之誦歌舉舜舉之也

鈔孟子萬章章句上孟子答萬章云舜相

堯二十有八載非人之所能為也天也堯

崩三年之喪畢舜避堯之子於南河之南

天下諸侯朝覲者不之堯之子而之舜訟

獄者不之堯之子而之舜誣歌者不誣歌

堯之子而誣歌舜故曰天也南河在冀州

其次畏之侮之信不足有不信

衍義云商人作普而民始叛周人作會而

民始疑

鈔春秋昭公四年楚子重會諸侯于申

申椒舉言於楚子曰臣聞諸侯無歸言諸

禮以為歸椒舉曰夫六王二公之事

也註云六王之事謂楚有鈞臺之京湯有亳

也皆所以示諸侯禮也諸侯所由用命也

夏桀為仍之會仍有緡叛之商紂為

黎之蒐紂蒐於東夷之東夷叛之周幽為

大室之盟大室在魯夷狄叛周皆所以

示諸侯汰也汰也諸侯所以棄命也今君以

汰無乃不濟乎王弗聽有書有湯誓之文

衍義云心有孚之謂誠

鈔易中孚卦九五有孚攣如無咎擊如者之辭也震中孚以相文之時居尊位以爲擊物之主信何可恃故有孚有擊故得無咎也

衍義云言可復之爲信

鈔論語學而第一有子曰信近於義言可復也恭近於禮遠恥辱也因不失其親亦可宗也

衍義云齊桓不肯曹劌亦云曹沫之盟

鈔史記曹沫者魯人也以勇力事魯莊公莊公好力曹沫爲魯將與齊戰三敗北莊公懼乃獻遂邑之地以和猶復以爲將齊桓公許與魯會于柯而盟桓公與莊公既盟于壇上曹沫執匕首劫齊桓公齊桓公左右莫敢動而問曰子將何若曹沫曰齊強魯弱而大國侵魯亦以甚矣今魯城壞即壓齊境君其圖之桓公乃許盡歸魯之侵地既已言曹沫投其匕首下壇北面就羣臣之位顏色不變辭令如故桓公怒欲

倍其約管仲曰不可夫貪小利以自快棄

信於諸侯夫天下之援不如與之於是桓

公遂割魯侵地曹沫三戰所亡之地盡復與魯矣

衍義云晉人不棄伐原之言

鈔晉人伐原文侯將兵晉侯圍原命三日之糧原不降命去之謀出曰原將降矣軍吏曰請待之公曰信國之寶也民之所庇也得原失信何以庇之所亡滋多退一舍而原自降諸侯自此歸附如伐原之信也

衍義云吳起不虧移轅之賞

鈔史記吳起魏將也欲伐秦恐士卒軍人不信乃埋一車轅於市東門書曰如有人能移此轅於西門者即給土田宅百畝黃金百斤三日無人敢移更書曰能移者給土田宅五百畝黃金百斤時有一人來移依賜之於是召募人伐秦遂剋此則不虧移轅之賞也

衍義云魏侯不棄虞人之期

鈔史記魏侯魏文侯也虞人山澤之官也

文魏與虞人期獵明日欲發適與羣臣飲

酒樂而天大雨命駕適野左右曰今日飲

酒樂天又雨將安之文侯曰吾不息於禽獸吾與虞人期豈可無一會期哉恐失信遂冒雨以赴也

大道廢章第十八

大道廢有仁義

衍義云莊子曰魚相忘乎水人相忘乎道術

鈔莊子大宗師篇云泉涸魚相與處於陸相响况以濕相濡以沫不如相忘於江湖

智慧出有大偽

衍義云莊子曰去小智而大智明

鈔莊子外物篇云去小智而大智明小智私智

衍義云好行小慧難矣哉

鈔論語衛靈公第十五子曰羣居終日言不及義好行小慧難矣哉小慧私志也言不及義則放僻

邪僻之心滋好行小慧則行險僥倖之機難矣哉者言夫無以入德而將有志者也

衍義云莊子曰夫馬之真性在乎覓草飲水翹足而立

鈔莊子馬蹄篇之文義中載之已詳不復具載

衍義云太古之時民不知所為行不知所之舍哺而熙鼓腹而遊

鈔夫赫胥氏之時民居不知所為行不知所之舍哺而熙鼓腹而遊民能以此矣

此說也赫胥上古帝王也亦有赫然之德使民各附故曰赫胥蓋炎帝也云云舍哺而熙鼓腹與嬰兒而不啼狀

衍義云屈折禮樂以匡天下之形懸鼓仁義以慰天下之心

鈔莊子馬蹄篇說屈折禮樂以正形體全真以慰心靈於是

六親不和有孝慈國家昏亂有忠臣

衍義云禮記曰大道之行也不獨親其親不獨子其子

鈔禮記禮運篇云大道之行也天下為公選賢與能講信修睦故人不獨親其親不獨子其子使老有所終壯有所用幼有所

長矜寡孤獨廢疾者皆有所養也又引孝慈者論語李康子問使民敬忠以勸如之何子曰臨之以莊則敬孝慈則忠

爾雅云善事父母曰孝

衍義云拭目剖心之臣

鈔史記殷本紀云子辛無道天下為之紂

與太師少師謀遂去比干王子曰為人臣者不得以死爭乃強諫紂怒曰吾聞

聖人心有七竅剖比干觀其心莊子盜跖篇云比干剖心子胥扶眼忠之禍也此扶

眼剖心之臣蓋為君昏亂而後顯死節忠臣之名故曰國家昏亂有忠臣

衍義云瞽叟頑而舜稱大孝

鈔尚書堯典曰瞽子父頑母嚚象傲克諧以孝蒸烝又不格姦大孝者孟子萬章章句上大孝終身慕父母五十而慕者子於

大舜見之矣

衍義云曾皙嚴而參稱能養

鈔孟子離婁章句上曾子養曾皙必有酒

肉將徹必請所與問有餘曰有若曾子則可謂養志也事親若曾子者可也

絕聖棄智章第十九

絕聖棄智民利百倍

衍義云莊子曰搃擊聖智縱舍盜賊而天下始治矣

下始治矣

鈔莊子胠篋篇云搃擊聖智搃云搃打也

衍義云去小智則大智明

鈔莊子外物篇云小智自私大智任物

衍義云跖之徒問於跖曰盜亦有道乎曰何適而無有道

鈔莊子胠篋篇之文義中已備

衍義云莊子宋元君夜半夢人被髮闚阿門曰

鈔莊子外物篇文宋元君夜半而夢人被髮闚阿門宋元君也何曲也闚阿房也

絕仁棄義民復孝慈

衍義云孟子曰未有仁而遺其親者也未

有義而後其君者也

鈔孟子梁惠王章句上孟子答王之辭

道者動也靜也言仁  
言必愛其親我者必為其君

絕巧棄利盜賊無有

衍義云巧機巧也謂雕琢刻削機械為鑄

之類

鈔莊子胠篋篇云然而巨盜至則負簞揭

篋擔囊而趨唯恐絨膝高鑄之不固也雕

刻眾形而不為巧如衛人之刻棗猴宋人

之琢指葉琢者治玉石也天地篇云為

圓者忿然作色而笑曰吾聞之吾師有機

械者必有機事有機事者必有機心機心

存於胃中則純白不備

衍義云珠玉斗斛權衡符璽之類

鈔莊子胠篋篇云為之斗斛以量之十升

五斗曰升為斛則并與斗斛而竊之為之權衡以

稱之符璽也則并與權衡而竊之為之

符璽以信之符者刻為木契也則并與符

璽而竊之

絕學無憂章第二十

絕學無憂唯之與阿相去幾何善之與惡相  
去何若

衍義云莊子所謂俗學以求復其初者

鈔莊子繕性外篇之辭註已治性於俗失  
而欲以俗學復性

命之本所以求  
者愈非其道也

人之所畏不可不畏荒兮其未央哉

衍義云詩云夜未央言更漏尚多也

鈔毛詩小雅庭燎美宣王也夜如何其夜

未央庭燎之光君子至止鸞聲鏘鏘

孔德之容章第二十一

道之為物惟恍惟惚惚兮恍其中有象恍兮

惚其中有物

衍義云莊子所謂真君今之所謂性者也

鈔莊子齊物篇云如是皆有為臣妾乎其

臣妾不足以相治乎其適相為君臣乎其

有真君存焉如求得其情與不得無損益

乎其真此言凡得真性用其自為者雖復

皂隸猶不頽毀譽而自安其業故知與不

知皆自若也

窈兮冥兮其中有精其精甚真其中有信

衍義云楮鳥足之根為蟾蟾人血之為野

大朽瓜之為魚賢女之為石

鈔列子天瑞篇云註言生死變化胡可測

度生於此者或死於彼死於彼者或生於

此而一炁之變所適萬形此皆因其所感

自然而變者也化言云鳥足草名毒大其  
用藥云生本中道名為蟾

衍義云晉惠帝時張華為司空其事甚詳

不復再錄

道德真經衍義手鈔卷之五